

## MGA TALAMDAN SA PAGTUON-NGA-MAKAPATIN-AW

### Mensahe 4 (sumpay)

- A. Ang una mao ang sitwasyon sa iglesia nga dunay Cristo; gihulagwayan kini sa Arka sa tabernaculo, nga ang Arka maoy sulod ug ang tabernaculo maoy pagpadayag niini; hulagway kini sa unang hugna sa iglesia sa normal gyong kahimtang ni Cristo nga sulod sa iglesia ug sa iglesia nga pagpadayag ni Cristo—Exo. 40:34-38; Efe. 3:16-21.
- B. Ang ikaduha mao ang sitwasyon sa iglesia nga walay Cristo; gihulagwayan kini sa Arka nga nabihag ug nabulag sa tabernaculo tungod sa pagkapakyas sa katawhan sa Dios; ang tabernaculo nga nabasiyo nagpakita sa mga kapakyasan sa mga Cristohanon nga maoy nakaingon nga nawad-an ang iglesia sa realidad ug presensya ni Cristo—Bug. 2:4-5; 3:20.
- C. Ang ikatulo mao ang sitwasyon ni Cristo nga walay iglesia; gihulagwayan kini sa Arka nga walay tabernaculo; una, sa balay ni Abinadab sa Kiriath-jearim sa kawhaan ka tuig (1 Sam. 7:1-2) unya sa balay ni Obed-edom nga Gitehanon sa tulo ka bulan (2 Sam. 6:10-12), nabulag sa tabernaculo ang Arka; nagpadayag ang kasaysayan sa iglesia nga sugod sa ikaduhang siglo hangtod karon dunay daghang Obed-edom.
- D. Ang ikaupat mao ang sitwasyon ni Cristo nga dili igo ang iglesia; nag-andam si David og tolda alang sa Arka sa Jerusalem, apan dili kini sumala sa sumbanang gipadayag sa Dios ni Moises; daghan ang mga Cristohanong dunay Arka—si Cristo—nga dili igo ang iglesia—v. 17; 1 Cron. 15:1; 2 Cron. 1:4; Exo. 25:9.
- E. Ang ikalima mao ang sitwasyon ni Cristo nga dunay hustong iglesia; gihulagwayan kini sa Arka nga dunay hustong tabernaculo nga gipalapad ug gipadako aron mahimong templo; ning sitwasyona man—ni Cristo nga realidad nga dunay hustong iglesia nga pagpadayag Niya—gibati nato nga naa na gyod ta sa panimalay—Sal. 90:1-2; 91:1-16; 92:12-15; 132:5, 8; 1 Cron. 28:11-20; 2 Cron. 3:1.

Mensahe 5

**Gubat batok sa Mga Amalekanhon**

Basahong Kasulatan: 1 Sam. 15; Exo. 17:8-13; Gal. 5:16-17, 24

**I. Ang 1 Samuel 15 rekord sa pagkadili-masinugtanon ni Saul sa pagdaog niya sa mga Amalekanhon:**

- A. Gidaog niya ang kaaway, apan wala gyod siya magmasinugtanon sa Dios—vv. 7-9.
- B. Bug-os ug hingpit gyong nabutyag si Saul dinhi, unya gisalikway siya sa Dios ug ni Samuel sab—vv. 14-26.
- C. Dunay importanteng pagtulon-an kining capituloha alang nato karon.

**II. Sa tipolohiya, nagtimaan sa unod—sa hulog nga tawo—ang mga Amalekanhon—Exo. 17:8-16:**

- A. Si Amalek, ang unod, maoy nangunang kaaway sa pag-ulang kanato sa pagpadayon uban sa Ginoo—v. 8; Deut. 25:17-18:
  - 1. Nagpasabot ang ngalang Amalek og “palaaway,” nagpakita nga palaaway, makadaot, ug makasamok ang unod.
  - 2. Ang unod maoy kinadak-ang tigdaot sa Cristohanong kinabuhi—1 Ped. 2:11.
  - 3. Kanang sigeng nakig-away ang Dios ni Amalek nagpakita nga gidumtan Niya ang unod ug nagtinguha nga puohon kini—Exo. 17:16; Gal. 5:17.
- B. Nagpasabot ang unod sa kinatibuk-an sa hulog nga daang tawo, sa tibuok hulog nga pagkatawo nato—Gen. 6:3; Rom. 7:18a; Gal. 2:16:
  - 1. Ang unod mao ang pagkinabuhi ug pagpadayag sa daang tawo—Rom. 6:6.
  - 2. Nakig-away sa Dios ang unod, wala kini magpasakop sa kasugoan sa Dios, ug dili kini makapasakop sa kasugoan sa Dios—8:7.
- C. Ang unod maoy kampo sa kaaway sa Dios ug ang kinadak-ang basihan sa iyang buhat—Gal. 5:19-21:
  - 1. Sa tibuok uniberso ang bugtong kaaway sa Dios, kon praktikalon, dili si Satanas kondili ang unod—Rom. 8:7.
  - 2. Nausa gyod ni Satanas ang unod, ang hulog nga tawo, ug gigamit kini ni Satanas sa pagpakig-away batok sa Dios—Mat. 16:23; Gal. 5:17.
  - 3. Ang unod maoy una sa tanan natong kaaway, ang nanguna sa sala, sa kalibotan, ug ni Satanas aron makig-away nato—Rom. 8:3.
  - 4. Gidumtan sa Dios ang unod maingon nga gidumtan Niya si Satanas, ug gusto Niyang laglagon ang unod maingon nga gusto Niyang laglagon si Satanas—Exo. 17:16; Deut. 25:17-19; 1 Sam. 15:2-3.
- D. Naay kamot nga batok sa trono sa Ginoo diha ni Amalek—Exo. 17:16; 1 Sam. 15:22-23:
  - 1. Nangingkamot si Amalek sa pagpukan sa trono sa Dios, maingon nga nangingkamot si Satanas sa pagpukan niini—Exo. 17:8, 16.
  - 2. Sama ni Satanas mismo, batok sa pagbulot-an sa Dios ang unod—Isa. 14:12-14:
    - a. Nialsa sa Dios ug sa Iyang trono ang unod.
    - b. Bisan unsang buhaton sa Dios diha sa Iyang pangagamhanan, supakon kini sa unod.
  - 3. Kaaway sa pagbulot-an sa Dios ang atong unod ug nisupil kini sa administrasyon sa pangagamhanan sa Dios:
    - a. Labing ngil-ad ang unod kay batok man kini sa trono, sa administrasyon, ug sa plano sa Dios—Bug. 4:2; 5:6; Efe. 3:11.

Mensahe 5 (sumpay)

- b. Matag aspeto sa atong unod, maayo ba o daotan, kaaway man sa pagbulotan sa Dios.
  - c. Batok sa trono sa Dios ang bisan unsang iya sa unod; gamiton kini ni Satanas, sa malalangon, nga kaaway sa Dios, sa pag-ulang sa tuyo sa Dios—2 Cor. 2:11.
- E. Batok sa pagkahari ang unod:
- 1. Hain ngani ang unod, wala gyoy gingharian sa Dios.
  - 2. Tungod niini, hingpit gyong batokan ang unod ayha pa moabot ang gingharian sa Dios.

**III. Nipahayag si Jehova sa 1 Samuel 15:2 nga silotan Niya ang mga Amalekanhon tungod sa gibuhat nila sa Israel sa dihang nakig-away sila niini:**

- A. Nakig-away si Amalek sa mga anak sa Israel samtang nagpanaw sila aron makab-ot ang tumong sa Dios—Exo. 17:8-16; 1 Sam. 15:2-3:
- 1. Sa gubat batok ni Amalek nga gihulagway sa Exodo 17:8-16, nitindog si Moises sa tumoy sa bungtod nga nagbitbit sa sungkod sa Dios, ug niadto si Josue uban sa piniling mga tawo aron makig-away, ug mopildi, ni Amalek.
  - 2. Samtang nakig-away si Josue, nag-ampo si Moises.
  - 3. Sa napildi na ni Josue si Amalek, nipahayag ang Dios nga “makig-away [Siya] ni Amalek gikan sa kaliwatan ngadto sa kaliwatan” (v. 16); nagpakita kini nga seryoso gyong gitagad sa Dios ang pag-ulang nga nahimo sa mga Amalekanhon.
- B. Gipakita sa Exodo 17:8-13 kanato unsaon pagpakig-away batok ni Amalek:
- 1. Makig-away ta batok ni Amalek pinaagi sa nangamuyong Cristo ug sa nakig-awayng Espiritu—Rom. 8:34; Heb. 7:25; Gal. 5:17:
    - a. Si Moises nga nag-isa sa iyang kamot didto sa tumoy sa bukid naghulagway sa nikayab nga Cristo nga nangamuyo didto sa mga langit—Exo. 17:9, 11.
    - b. Si Josue nga nakig-away ni Amalek naghulagway sa Espiritung nagpuyo-sa-sulod nga nakig-away sa unod—vv. 9, 13.
    - c. Kinahanglan mausa ta sa nangamuyong Cristo aron makabulig sa nakig-awayng Espiritu—Col. 3:1-3, 5; Rom. 8:34, 13; Gal. 5:24, 17.
  - 2. Sa away batok ni Amalek, mobulig gyod ta sa Ginoo pinaagi sa pag-ampo ug pagpatay sa unod—Luc. 18:1; 1 Tes. 5:17; Rom. 8:13; Gal. 5:24:
    - a. Moampo ngani ta, nausa ta sa nangamuyong Cristo—Rom. 8:34.
    - b. Patyon ngani nato ang unod, nausa ta sa nakig-awayng Espiritu—Gal. 5:17.
    - c. Sa usa ka bahin, moampo gyod ta uban ni Cristo; sa laing bahin, patyon gyod nato ang unod pinaagi sa nakig-awayng Espiritu—v. 24.
    - d. Kaakohan sa Dios ang paglansang sa daang tawo sa krus; kaakohan nato ang paglansang sa unod sa krus—Rom. 6:6; 8:13; Gal. 5:24.

**IV. Gisugo sa Dios si Saul nga “pamatya ang mga Amalekanhon” ug “hutda paglaglag ang tanang naa nila” ug ayaw sila kaloy-i, apan wala siya mosugot sa gisugo ni Jehova—1 Sam. 15:3-9:**

- A. Gipamatay ni Saul ang mga Amalekanhon, apan giluwat niya si Agag nga hari ug ang labing maayo sa mga karnero, mga baka, mga pinatambok, mga nating karnero, ug ang tanang maayo—vv. 7-9.
- B. Ang pagluwas ni Saul ug sa katawhan sa labing maayo sa mga butang nga angay untang hutdon sa paglaglag nagpakita sa kamatuoran nga, sa kasinatian,

## UNA UG IKADUHANG SAMUEL

### Mensahe 5 (sumpay)

gimahal nato ang maayong mga aspeto sa atong unod, sa natural natong kina-buhi, ug dili ta gustong laglagon kini:

1. Tanang buhaton nato nga bulag sa grasya sa Dios ug dili magdepende ug magsalig Kaniya iya man sa unod—Fil. 3:3-4.
  2. Tanang aspeto sa unod, maayo ba o daotan, supak gyod sa grasya ug sa gingharian sa Dios ug dili magpapahimulos nato ni Cristo; busa, dumtan gyod nato ang tanang aspeto sa unod ug magmabug-os sa paglaglag sa unod—Rom. 8:13; Gal. 3:3; 5:2-4.
- C. Dili buot ang Dios nga gamiton ingog halad-inihaw Kaniya ang labing maayo sa kahayopan—1 Sam. 15:15:
1. Daotan sa panan-aw sa Dios ang bisan unsang ipresentar ug ihalad Kaniya nga gikan sa unod—v. 19.
  2. Mabuotbuoton ug masal-anon ang paghalad ngadto sa Dios sumala sa kaulingon natong pagbuot—Gen. 4:5; Mat. 7:22-23.

#### **V. Ang pagbuhat og maayo sumala sa kaugalingon natong pagbuot sa pagkatinuod pagsupil man batok sa trono sa Dios ug sa Iyang pamatigayon—1 Sam. 15:22-23; Exo. 17:16:**

- A. Ang pagkadili-masinugtanon ni Saul nagbutyag niya ingon nga masupilon batok sa Dios ug kaaway sa Dios—1 Sam. 22:17.
- B. Hingpit gyong nisupil sa Dios si Saul; wala siya magpasakop sa Dios, o gihimo ba niyang Hari ug Ulo niya ang Dios.
- C. Naumol siya nga masupilon, nga sama kadaotan sa pagsimbag mga diosdios—15:23.
- D. Ang gibuhay ni Saul sama kadaotan sa pagkontak og daotang espiritu sa tuyo nga buhaton ang tinguha nianang espirituha, dili ang tinguha sa Dios—v. 23.
- E. Tanang pagsupil kalabot man sa pagbuotbuot, sa pagpangahas sa pagbuhat og mga butang nga wala ang Dios.

#### **VI. Nawad-an si Saul sa iyang pagkahari kay wala man niya hutda sa paglaglag si Amalek—vv. 26, 28:**

- A. Kon dili ta bug-os sa pagbatok nato sa atong unod, sama ni Saul, mawad-an ta sa atong pagkahari—1 Ped. 2:9; Bug. 1:6; 5:10.
- B. Usa ka pasidaan ang pag-asoy sa pagkadili-masinugtanon ni Saul, nga nagpakita nga dili gyod ta mobuhat og bisan unsa diha sa gingharian sa Dios pinaagi sa atong unod; sa tanang butang ilansang gyod nato sa krus ang atong unod ug matinumanong gamiton ang atong espiritu sa pagsunod sa Ginoo, nga mao ang taghatag-og-kinabuhi, nahingpit nga Espiritu nga nagpuyo sa atong espiritu ug nausa nato—1 Cor. 15:45; 6:17; 2 Tim. 4:22; Gal. 5:16, 25.
- C. Mabatokan na ngani si Amalek, moabot dayon ang gingharian sa Dios—Exo. 18:1-26:
  1. Nagpasabot ang gingharian sa Dios sa pagbulot-an sa Dios nga niini gipasakop sa Dios ang tanang butang—Mar. 1:15; Juan 3:3, 5; Bug. 11:15; 12:10; Dan. 2:44.
  2. Kay batok man sa pagkahari ang unod, hingpit gyod kining batokan ayha pa moabot ang gingharian sa Dios—1 Cor. 6:9-10; Efe. 5:5.
- D. Kon sundon nato ang pulong sa Ginoo nga hutdon gyod sa paglaglag ang unod ug magkinabuhi ug maggawi uyon sa espiritu, maato ang pagkahari ug maanaa ta sa gingharian sa Dios—Rom. 8:4; 14:17; Gal. 5:19-21; 2 Ped. 1:5-11.